

"Жалпыхалықтық референдум туралы" Қазақстан Республикасының Конституциялық заңы

Қазақстан Республикасының 1995 жылғы 2 қарашадағы № 2592 Конституциялық заңы.
МАЗМҰНЫ

Ескерту. Конституциялық заңның тақырыбы жаңа редакцияда – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңымен.

Ескерту. Тақырыпқа өзгерту енгізілді – ҚР 1999.05.06 № 376 Конституциялық Заңымен.

Ескерту. Бүкіл мәтін бойынша:

"республикалық референдумды", "Республикалық референдум", "Республикалық референдумды", "Республикалық референдумға", "республикалық референдумға", "республикалық референдум", "Республикалық референдумның", "республикалық референдумның" деген сөздер тиісінше "жалпыхалықтық референдумды", "Жалпыхалықтық референдум", "Жалпыхалықтық референдумды", "Жалпыхалықтық референдумға", "жалпыхалықтық референдумға", "жалпыхалықтық референдум", "Жалпыхалықтық референдумның", "жалпыхалықтық референдумның" деген сөздермен ауыстырылды;

"Республиканың", "Республика Конституциясын", "Республика қызметінің", "Республика Президенті", "Республика Президентінің", "Республика азаматтарының", "Республика азаматтарында", "Республика Президентіне", "Республика Жоғарғы Сотына", "Республика бойынша", "Республика Конституциясына", "Республика Конституциясының", "Республика азаматының" деген сөздер тиісінше "Қазақстан Республикасының", "Қазақстан Республикасының Конституциясын", "Қазақстан Республикасы қызметінің", "Қазақстан Республикасының Президенті", "Қазақстан Республикасы Президентінің", "Қазақстан Республикасы азаматтарының", "Қазақстан Республикасының азаматтарында", "Қазақстан Республикасының Президентіне", "Қазақстан Республикасының Жоғарғы Сотына", "Қазақстан Республикасы бойынша", "Қазақстан Республикасының Конституциясына", "Қазақстан Республикасы Конституциясының", "Қазақстан Республикасы азаматының" деген сөздермен ауыстырылды – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңымен.

Осы Конституциялық заң Қазақстан Республикасының Конституциясына сәйкес жалпыхалықтық референдумды тағайындау, әзірлеу және өткізу тәртібін белгілейді.

Ескерту. Кіріспеге өзгерту енгізілді – ҚР 1999.05.06 № 376 Конституциялық заңымен.

I тарау

Жалпы ережелер

1-бап. Жалпыхалықтық референдум ұғымы

1. Жалпыхалықтық референдум - Қазақстан Республикасы Конституциясының, конституциялық заңдарының, заңдарының және мемлекеттік өмірінің өзге де неғұрлым маңызды мәселелеріне арналған шешімдердің жобалары бойынша бүкілхалықтық дауыс беру.

2. Референдум Қазақстан Республикасының бүкіл аумағында өткізіледі.

2-бап. Жалпыхалықтық референдум талқысына қойылатын мәселелер

Референдумның талқысына:

1) Қазақстан Республикасының Конституциясын, конституциялық заңдарын, заңдарын қабылдау, оларға өзгертулер мен толықтырулар енгізу;

2) Қазақстан Республикасының мемлекеттік өмірінің өзге де неғұрлым маңызды мәселелерін шешу қойылуы мүмкін.

3-бап. Жалпыхалықтық референдумның талқысы бола алмайтын мәселелер

Мыналар:

1) адамның және азаматтың конституциялық құқығы мен бостандығының бұзылуына әкеліп соғатын;

2) мемлекеттің Егемендігін, Тәуелсіздігін, Қазақстан Республикасының біртұтастығы мен аумақтық тұтастығын, оны басқару нысанын, Қазақстан Республикасы қызметінің түбегейлі қағидаттарын, Қазақстан Республикасының Президенті жеті жыл мерзімге сайланады және бір адам бір реттен артық Қазақстан Республикасының Президенті болып сайлана алмайды деген ережені өзгерту;

3) Қазақстан Республикасының әкімшілік-аумақтық құрылысы мен шекараларының ;

4) сот әділдігі, қорғаныс, ұлттық қауіпсіздік және қоғамдық тәртіпті қорғау;

5) бюджет пен салық саясаты;

6) рақымшылық пен кешірім жасау;

7) Қазақстан Республикасы Президентінің, Құрылтайы мен Үкіметінің қарауына жататын адамдарды лауазымға тағайындау және сайлау, лауазымынан босату;

8) Қазақстан Республикасының халықаралық шарттарынан туындайтын міндеттемелерін орындау мәселелері референдум талқысына қойылатын мәселелер бола алмайды.

Ескерту. 3-бапқа өзгеріс енгізілді - ҚР 15.06.2017 № 75-VI (алғашқы ресми жарияланған күнінен бастап қолданысқа енгізіледі); 05.05.2022 № 119-VII (алғашқы ресми жарияланған күнінен бастап қолданысқа енгізіледі); 05.11.2022 № 156-VII (алғашқы ресми жарияланған күнінен кейін күнтізбелік он күн өткен соң қолданысқа

енгізіледі); 11.06.2026 № 305-VIII (01.07.2026 бастап қолданысқа енгізіледі)

Конституциялық заңдарымен.

4-бап. Жалпыхалықтық референдум өткізудің принциптері

Референдум өткізу:

- 1) азаматтардың референдумға өз ықтиярымен қатысуы және еркін ашық білдіруі;
- 2) азаматтардың референдумға жасырын дауыс беру арқылы жалпыға бірдей, тең және төте қатысу құқығы;
- 3) жариялылық принциптеріне негізделеді.

5-бап. Жалпыхалықтық референдумға қатысу құқығы

1. Референдумға қатысу құқығы тегіне, әлеуметтік, лауазымдық және мүліктік жағдайына, жынысына, нәсіліне, ұлтына, тіліне, дінге көзқарасына, нанымына, тұрғылықты жеріне немесе кез-келген өзге жағдаяттарға қарамастан Қазақстан Республикасының он сегіз жасқа жеткен азаматтарына беріледі. Сот әрекетке қабілетсіз деп таныған, сондай-ақ сот үкімімен бас бостандығынан айыру орындарында отырған азаматтардың референдумға қатысуға құқығы жоқ. Қазақстан Республикасының өзге азаматтарының референдумға қатысу құқығын қандай да болмасын тікелей не жанама шектеуге жол берілмейді және бұл заң бойынша жазаланады.

2. Азаматтар референдумға тең негіздерде қатысады және олардың әрқайсысы тиісінше бір дауысқа не тең дауыс санына ие болады.

3. Азаматтар референдумға тікелей қатысады.

Ескерту. 5-бапқа өзгеріс енгізілді – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңымен.

6-бап. Жалпыхалықтық референдумды ұйымдастыру мен өткізу кезіндегі жариялылық

1. Референдумды ұйымдастыру мен өткізу ашық әрі жариялы жүзеге асырылады.

2. Референдумды өткізу туралы шешім мен оған қойылатын мәселе (мәселелер) азаматтардың назарына бұқаралық ақпарат құралдары арқылы жеткізіледі.

3. Референдум комиссиялары референдум өткізуді ұйымдастыру жөніндегі өзінің жұмысы туралы, дауыс беретін учаскелер құру, комиссиялардың құрамы, орналасқан жері және жұмыс уақыты туралы, референдумға қатысу құқығы бар азаматтардың тізімі туралы азаматтарды хабарландырады.

4. Референдум өткізу кезінде аккредиттелген қоғамдық бірлестіктердің, коммерциялық емес ұйымдардың атынан өкілдік ететін Қазақстан Республикасының азаматтары, сондай-ақ шет мемлекеттерден және халықаралық ұйымдардан аккредиттелген байқаушылар, шетелдік бұқаралық ақпарат құралдарының өкілдері қатыса алады.

Осы тармақтың бірінші бөлігінде аталған адамдарды аккредиттеу тәртібі, сондай-ақ олардың құқықтары мен міндеттері "Қазақстан Республикасындағы сайлау туралы" Қазақстан Республикасының Конституциялық заңына және Қазақстан Республикасының заңнамасына сәйкес айқындалады.

Референдум комиссияларының жұмысына араласуға жол берілмейді.

5. Бұқаралық ақпарат құралдары референдумға дайындық пен оны өткізу барысын жария етіп отырады, олардың өкілдерінің референдум өткізуге байланысты іс-шараларға баруына кепілдік беріледі.

Сайлау учаскелерінде бұқаралық ақпарат құралдары өкілдерінің болуы "Қазақстан Республикасындағы сайлау туралы" Қазақстан Республикасының Конституциялық заңына сәйкес реттеледі.

Ескерту. 6-бапқа өзгеріс енгізілді - ҚР 05.07.2024 № 109-VIII (алғашқы ресми жарияланған күнінен кейін күнтізбелік он күн өткен соң қолданысқа енгізіледі) Конституциялық заңымен.

7-бап. Жалпыхалықтық референдум қарсаңындағы үгіт

1. Қазақстан Республикасы азаматтарының, қоғамдық бірлестіктерінің референдумға қойылған мәселе (мәселелер) бойынша жиналыстарда, митингілерде, азаматтар жиынында, бұқаралық ақпарат құралдарында өз пікірін білдіру құқығына кепілдік беріледі.

2. Барлық баспа үгіт материалдарында осы материалдарды шығарған ұйымдар, оларды басып шығарған орын мен таралым, оларды шығаруға жауапты адамдар туралы мәліметтер болуға тиіс. Бұқпантай үгіт материалдарын таратуға тыйым салынады.

3. Қазақстан Республикасының конституциялық құрылысын күштеп өзгертуге, тұтастығын бұзуға, мемлекет қауіпсіздігіне нұқсан келтіруге, соғысқа, әлеуметтік, нәсілдік, ұлттық, діни, тектік-топтық және рулық астамшылыққа, сондай-ақ қатыгездік пен зомбылыққа табынуға үгіттеуге жол берілмейді.

4. Референдумның қарсаңындағы күн мен референдум өткізілетін күні үгіт жүргізуге тыйым салынады. Дауыс беретін жайлардан басқа жерлерде бұрын ілінген баспа үгіт материалдарының, плакаттардың бұрынғы орындарында сақталуы мүмкін.

7-1-бап. Қоғамдық пікірге сауал салу

Жалпыхалықтық референдумға байланысты қоғамдық пікірге сауал салу "Қазақстан Республикасындағы сайлау туралы" Қазақстан Республикасының Конституциялық заңында белгіленген талаптарға сәйкес оған дайындық пен өткізу кезеңінде жүргізілуге тиіс.

Ескерту. 7-1-баппен толықтырылды - ҚР 05.07.2024 № 109-VIII (алғашқы ресми жарияланған күнінен кейін күнтізбелік он күн өткен соң қолданысқа енгізіледі) Конституциялық заңымен.

8-бап. Жалпыхалықтық референдумды қамтамасыз ету

1. Референдум әзірлеу мен өткізуге байланысты шығыстар тек қана республикалық бюджет есебінен жұмсалады.

2. Мемлекеттік органдар, жергілікті өзін-өзі басқару органдары, сондай-ақ меншік нысанына қарамастан ұйымдар референдум комиссияларының қарамағына референдум әзірлеу мен өткізу үшін қажет үй-жайларды, жабдықтар мен көлік құралдарын береді.

3. Халықаралық ұйымдар мен халықаралық қоғамдық бірлестіктердің, шетел мемлекеттік органдарының, заңды тұлғалары мен азаматтарының, азаматтығы жоқ адамдардың референдумға қатысты шараларды қаржыландыруға және өзгедей қамтамасыз етуге тікелей немесе жанама түрде қандай да болсын қатысуына тыйым салынады.

9-бап. Жалпыхалықтық референдум туралы заңдар

Референдум туралы заңдарға мыналар жатады:

- 1) Қазақстан Республикасының Конституциясы;
- 2) Осы Конституциялық заңға қайшы келмейтін бөлігінде "Қазақстан Республикасындағы сайлау туралы" Қазақстан Республикасының Конституциялық заңы;
- 3) осы Конституциялық заң;
- 4) Орталық референдум комиссиясының нормативтік сипаты бар актілері.

Ескерту. 9-бапқа өзгерту енгізілді – ҚР 1999.05.06 № 376; 11.06.2026 № 305-VIII (01.07.2026 бастап қолданысқа енгізіледі) Конституциялық заңдарымен.

II тарау

Жалпыхалықтық референдум тағайындау және әзірлеу

10-бап. Жалпыхалықтық референдум тағайындау құқығы

Референдум тағайындау құқығы Қазақстан Республикасының Президентінде болады.

11-бап. Жалпыхалықтық референдум тағайындау жөніндегі бастамашылық

1. Референдум тағайындау бастамашылығы:
 - 1) Қазақстан Республикасының Президентінде;
 - 2) Қазақстан Республикасының Құрылтайына тиесілі, ол Қазақстан Республикасы Президентінің алдында референдум тағайындау туралы бастама көтереді. Бастама көтеру Құрылтайдың отырысында жүзеге асырылады және Құрылтайдың тиісті қаулысымен ресімделеді;
 - 3) Қазақстан Республикасының Үкіметінде болады, ол референдум тағайындау туралы Қазақстан Республикасы Президентінің алдында бастама көтереді. Бастамашылық көтеруді Үкімет өзінің мәжілісінде мүшелерінің жалпы санының көпшілік даусымен жүзеге асырады және тиісті қаулымен ресімдейді;
 - 3-1) Қазақстан Халық Кеңесіне тиесілі, ол Қазақстан Республикасы Президентінің алдында референдум тағайындау туралы бастама көтереді. Бастама көтеру Қазақстан Халық Кеңесі сессиясының отырысында жүзеге асырылады және Қазақстан Халық Кеңесінің тиісті шешімімен ресімделеді;
 - 4) сан жағынан Қазақстан Республикасының астанасын, барлық облыстарды және республикалық маңызы бар қалаларды тең мөлшерде білдіретін жалпыхалықтық референдумға қатысу құқығы бар екі жүз мыңнан кем емес Қазақстан

Республикасының азаматтарында болады, олар жалпыхалықтық референдум тағайындау туралы бастамашылықпен Қазақстан Республикасының Президентіне тілек білдіреді.

2. Бір ғана мәселе (бір ғана мәселелер) бойынша референдум тағайындау туралы ұсыныстар қайтара енгізілуі мүмкін және оларды Қазақстан Республикасының Президенті аталған мәселе (аталған мәселелер) жөнінде алдыңғы шешім қабылданғаннан кейін кемінде екі жыл өткеннен соң ғана қайтадан қарайды.

Ескерту. 11-бапқа өзгерту енгізілді – ҚР 2008.05.04 № 30-IV; № 305-VIII (01.07.2026 бастап қолданысқа енгізіледі) Конституциялық заңдарымен.

12-бап. Жалпыхалықтық референдум тағайындау жөніндегі мәселе бойынша бастамашыл топтың құрылуы

1. Егер референдум өткізу туралы бастамашылықты азаматтар көтерген жағдайда құрамына Қазақстан Республикасының астанасынан, әр облыстан және республикалық маңызы бар қалалардан кемінде үш-үштен өкіл кіретін референдумның бастамашыл тобы құрылады.

2. Референдумның бастамашыл тобы референдумға қатысу құқығы бар азаматтар, бірақ Қазақстан Республикасының астанасынан, әр облыстан және республикалық маңызы бар қалалардан кемінде отыз-отыздан өкілдер қатысқан жиналыста құрылады.

3. Жиналыс өткізуден кемінде он күн бұрын оның бастамашылары аумағында жиналыс өткізілетін жергілікті атқарушы органға жиналыстың уақыты, орны және мақсаты туралы жазбаша хабарлауға тиіс.

4. Жиналыстың алдында жиналысқа қатысушыларды тіркеу жүргізіледі, олардың міндетті түрде тегі, аты, әкесінің аты (егер ол жеке басын куәландыратын құжатта көрсетілген болса), тұрғылықты жері және Қазақстан Республикасы азаматының жеке басын куәландыратын құжаттың деректемелері көрсетілген тізім жасалады.

5. Референдумның бастамашылар тобының мүшелері жиналысқа қатысушылардың көпшілік даусымен сайланады. Бастамашыл топтың тізімінде топтың әр мүшесінің тегі, аты, әкесінің аты (егер ол жеке басын куәландыратын құжатта көрсетілген болса) және тұрғылықты жері көрсетіледі. Референдумға қойылатын сауалды оған тиянақты жауап қайтарылуы үшін бастамашыл топ айқын тұжырымдауға тиіс.

Ескерту. 12-бапқа өзгеріс енгізілді – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңымен.

13-бап. Референдумның бастамашыл тобы мен ол референдумға ұсынған мәселені (мәселелерді) тіркеу

1. Референдумның бастамашыл тобы Орталық сайлау комиссиясына топты және ол референдумға ұсынған мәселені (мәселелерді) тіркеуді сұрап өтініш береді.

2. Тіркеу мынадай құжаттар болғанда жүргізіледі:

1) топты тіркеу және ол референдумға ұсынатын мәселені (мәселелерді) тіркеу туралы өтініш;

2) бастамашыл топ құрылған жиналыстың хаттамасы;

3) бастамашыл топ мүшелерінің тізімі.

3. Бастамашыл топты және ол референдумға ұсынған мәселені (мәселелерді) Орталық сайлау комиссиясы тіркеуге өтініш берілген күннен бастап он күн мерзімде тіркейді. Бұл жайындағы хабарды Орталық сайлау комиссиясы бұқаралық ақпарат құралдарында жариялайды.

4. Референдумның бастамашыл тобына тіркелген күннен бастап бес күн мерзімде топты және ол референдумға ұсынған мәселені (мәселелерді) тіркеу туралы куәлік беріледі. Тіркеу туралы куәліктің нысанын Орталық сайлау комиссиясы бекітеді.

5. Осы Конституциялық заңның талаптары бұзылған жағдайларда тіркеуден бас тартылуы мүмкін. Орталық сайлау комиссиясының бастамашыл топты және ол референдумға ұсынған мәселені (мәселелерді) тіркеуден бас тартуына он күн мерзімде Қазақстан Республикасының Жоғарғы Сотына шағым жасалуы мүмкін, ол шағымды берілген күнінен бастап он күн мерзімде қарайды. Жоғарғы Соттың шешімі түпкілікті болып табылады.

Ескерту. 13-бапқа өзгерту енгізілді – ҚР 1999.05.06 № 376 Конституциялық заңымен.

14-бап. Қол жинаудың тәртібі мен мерзімі

1. Референдумның бастамашыл тобы топты және ол референдумға ұсынған мәселені (мәселелерді) тіркеу туралы куәлікті алған күннен бастап азаматтардың қолын жинауды ұйымдастырады әрі мұны жалпыхалықтық референдумға қатысу құқығы бар топ мүшелері жүзеге асырады.

2. Референдумның бастамашыл тобына қол қою парақтарын беруді Орталық сайлау комиссиясы топты және ол референдумға ұсынған мәселені (мәселелерді) тіркеу туралы куәлікті тапсыра отырып бір мезгілде жүзеге асырады.

3. Қол қою парағына бастамашыл топ референдумға ұсынған мәселенің (мәселелердің) тұжырымдамасы енгізіледі.

4. Қол жинайтын адам бастамашыл топты және ол референдумға ұсынған мәселені (мәселелерді) тіркеу туралы куәліктің көшірмесін көрсетеді. Әрбір азамат қол қою парағына тек бір рет қана қолын қоюға хақылы. Бұл ретте азамат жеке басын куәландыратын құжатын көрсетеді. Азаматтың қолы оның тегін, атын, әкесінің атын (егер ол жеке басын куәландыратын құжатта көрсетілген болса), тұрғылықты жерін, оның жеке басын куәландыратын құжаттың деректемелерін және параққа қол қойылған күнді көрсетумен толықтырылады.

5. Толтырылған әрбір қол қою парағына қол жинаған адам қолын қоюға тиіс.

6. Белгіленбеген үлгідегі қол қою парақтары, сондай-ақ осы Конституциялық заңның өзге де талаптары бұзылып толтырылған қол қою парақтары жарамсыз болып табылады.

7. Қол жинау аяқталғаннан кейін үш күн мерзімде толтырылған қол қою парақтарын қол жинаған адамдар аумақтық сайлау комиссиясына тапсырады, ол құжаттандыру және паспорттар мен жеке куәліктер беру жөніндегі уәкілетті органның жұмыскерлерін қатыстыра отырып он күн мерзімде қол қою парақтарындағы азаматтардың қолының дұрыстығын тексереді, тиісті хаттама жасайды және оны Орталық сайлау комиссиясына жібереді.

Ескерту. 14-бапқа өзгерту енгізілді – ҚР 1999.05.06 № 376; 05.11.2022 № 156-VII (01.01.2023 бастап қолданысқа енгізіледі); 11.06.2026 № 305-VIII (01.07.2026 бастап қолданысқа енгізіледі) Конституциялық заңдарымен.

15-бап. Қол жинау тәртібін бұзғаны үшін жауапкершілік

1. Расталмаған қолдар, қол жинау және қол қою парақтарын ресімдеу тәртібінің бұзылғаны анықталған жағдайда аумақтық сайлау комиссиясының төрағасы Орталық сайлау комиссиясына тиісті ұсыныс енгізеді.

2. Орталық сайлау комиссиясы ұсыныс енгізілген күннен бастап бір ай мерзімде жөнсіздікке жол берген бастамашыл топ мүшелерінің қызметін тоқтату туралы, осы Конституциялық заң талаптарының бұзылғаны анықталған қол қою парақтарын жарамсыз деп тану туралы шешім қабылдай алады.

3. Қызметін тоқтату туралы шешім қабылданған бастамашыл топ мүшелерін осы референдумды әзірлеу және өткізу кезеңінде қайта сайлауға жол берілмейді.

4. Бастамашыл топ қол жинау және қол қою парақтарын ресімдеу тәртібін қайталап бұзған жағдайда Орталық сайлау комиссиясы референдумның бастамашыл тобының қызметін тоқтату және оны тіркеу туралы куәлікті қайтарып алу туралы шешім қабылдай алады.

Ескерту. 15-бапқа өзгерту енгізілді – ҚР 1999.05.06 № 376 Конституциялық заңымен.

16-бап. Қол жинаудың нәтижелері бойынша қол қою парақтары мен қорытынды хаттаманы жіберу

1. Қол жинауды жүзеге асырған адамдар толтырылған және тиісті аумақтық сайлау комиссиясында тексеруден өткен қол қою парақтарын референдумның бастамашыл тобына жібереді. Бастамашыл топ қол жинаудың нәтижелері туралы жиынтық деректерді түзеді және қол жинау аяқталған күннен бастап он күннен кешіктірмей толтырылған қол қою парақтары мен жиынтық деректерді Орталық сайлау комиссиясына жібереді.

2. Орталық сайлау комиссиясы табыс етілген қол қою парақтары осы Конституциялық заңның талаптарына сәйкес келген ретте қол жинаудың нәтижелерін қорытынды хаттамаға енгізеді. Референдум өткізу туралы ұсыныс қол жинаудың нәтижелері жайындағы қорытынды хаттамамен бірге референдумның бастамашыл тобынан құжаттарды алған күннен бастап бір айдың ішінде Қазақстан Республикасының Президентіне жіберіледі.

3. Қол қою парақтары мен қол жинаудың нәтижелері жөніндегі қорытынды хаттамаларды сақтаудың тәртібі мен мерзімін Орталық сайлау комиссиясы белгілейді.

Ескерту. 16-бапқа өзгерту енгізілді – ҚР 1999.05.06 № 376 Конституциялық заңымен.

17-бап. Қазақстан Республикасы Президентінің жалпыхалықтық референдум тағайындау туралы бастамашылық жөнінде шешім қабылдау

Қазақстан Республикасының Президенті Құрылтайдың, Үкіметтің, Қазақстан Халық Кеңесінің немесе Қазақстан Республикасы азаматтарының бастамасы бойынша референдум тағайындау туралы мынадай:

- 1) референдум өткізу туралы;
- 2) референдум өткізбей, оның талқысына ұсынылатын мәселе (мәселелер) бойынша конституциялық заң, заң немесе өзге де шешім қабылдау қажеттігі туралы;
- 3) референдум тағайындау туралы бастамашылықты қабылдамау туралы шешімдердің бірін қабылдайды.

1-1. Алып тасталды – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңымен.

Ескерту. 17-бап 1-1-тармақпен толықтырылды – ҚР 1999.05.06 № 376; өзгеріс енгізілді – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңдарымен.

18-бап. Жалпыхалықтық референдум өткізу туралы шешім

Ескерту. 18-баптың тақырыбына өзгеріс енгізілді – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңымен.

1. Референдум өткізу туралы шешімді Қазақстан Республикасының Президенті тиісті Жарлық шығару жолымен қабылдайды, онда:

- 1) референдумды өткізу мезгілі;
- 2) оған қойылатын мәселенің (мәселелердің) тұжырымдамасы белгіленеді;
- 3) референдумды өткізуге байланысты өзге де мәселелер шешіледі.

2. Қазақстан Республикасының Президенті референдум бастамашысының келісуімен оны өткізгенге дейін оның бастамашысының еркін неғұрлым дәл білдіру үшін референдумға қойылатын мәселенің (мәселелердің) тұжырымдамасын нақтылай түсуге хақылы.

3. Референдум өткізу туралы Қазақстан Республикасы Президентінің Жарлығы, Конституция, конституциялық заң, заң жобаларының мәтіндері, оларға енгізілген өзгертулер мен толықтырулар бұқаралық ақпарат құралдарында жарияланады.

Ескерту. 18-бапқа өзгеріс енгізілді – ҚР 11.06.2026 № 305-VIII (01.07.2026 бастап қолданысқа енгізіледі) Конституциялық заңымен.

19-бап. Жалпыхалықтық референдум өткізу мерзімі

Референдум оны өткізу туралы шешім қабылданған күннен бастап бір айдан ерте емес және үш айдан кеш емес мерзімде өткізіледі. Ерекше жағдайларда Қазақстан Республикасының Президенті референдум өткізудің басқа мерзімін белгілеуі мүмкін.

20-бап. Жалпыхалықтық референдум комиссиясы

1. Референдумға дайындық пен оны өткізуді мыналар жүзеге асырады:

1) Орталық референдум комиссиясының функциясын орындаушы Қазақстан Республикасының Орталық сайлау комиссиясы;

2) аумақтық референдум комиссияларының функциясын орындаушы Қазақстан Республикасының аумақтық сайлау комиссиялары;

3) учаскелік референдум комиссияларының функциясын орындаушы учаскелік сайлау комиссиялары.

2. Алып тасталды - ҚР 15.06.2017 № 75-VI Конституциялық заңымен (алғашқы ресми жарияланған күнінен бастап қолданысқа енгізіледі).

Ескерту. 20-бапқа өзгерістер енгізілді - ҚР 1999.05.06 № 376; 15.06.2017 № 75-VI (алғашқы ресми жарияланған күнінен бастап қолданысқа енгізіледі) Конституциялық заңдарымен.

21-бап. Орталық референдум комиссиясының өкілеттіктері

1. Орталық референдум комиссиясы:

1) Республикасының бүкіл аумағында референдум туралы заңның орындалуын бақылауды жүзеге асырады; оның біркелкі қолданылуын қамтамасыз етеді; өз құзыреті шегінде Қазақстан Республикасының бүкіл аумағында міндетті шешімдер қабылдайды;

2) референдумға дайындық пен оны өткізуді ұйымдастырады;

3) референдумды ұйымдастыру мен өткізуге арналған шығыс сметасының жобасын жасайды және оны Қазақстан Республикасының Үкіметіне табыс етеді;

4) референдум комиссияларына басшылықты жүзеге асырады, олардың шешімдерін жояды және кідірте тұрады; референдумды ұйымдастыру мен өткізуге арналған қаражатты олардың арасында бөледі;

5) референдум комиссияларын материалдық-техникалық қамтамасыз етудің жай-күйін бақылайды;

6) референдум туралы заңдардың бұзылуы туралы арыздар мен шағымдарды қарайды;

7) дауыс беруге арналған бюллетеньдердің, сайлаушылар тізімінің, қол қою парақтарының, референдум өткізу үшін қажетті өзге де құжаттардың нысандары мен мәтіндерін; дауыс беру уақытын; референдум құжаттарын сақтау тәртібін белгілейді;

8) референдум комиссияларының, мемлекеттік органдардың және олардың лауазымды тұлғаларының референдумға дайындық пен оны өткізуге байланысты мәселелер жөніндегі есептерін, сондай-ақ қоғамдық бірлестіктер органдарының сайлау туралы заңды сақтау мәселелері бойынша хабарламаларын тыңдауға хақылы;

9) референдумға дайындықтың барысы туралы азаматтарға хабарлап отырады;

10) Қазақстан Республикасы бойынша тұтас алғанда референдумның қорытындыларын шығарады, бұл туралы бұқаралық ақпарат құралдарына хабар берілуін қамтамасыз етеді;

11) референдумның бастамашыл тобын және оның референдумға ұсынатын мәселесін (мәселелерін) тіркеуді жүзеге асырады және бұл туралы бұқаралық ақпарат құралдарында ресми хабар орналастырады;

12) референдумның бастамашыл тобын тіркеу туралы куәліктің нысанын бекітеді;

13) референдумның бастамашыл тобын тіркеу туралы куәлік беруді жүзеге асырады, сонымен бір мезгілде қол қою парақтарын береді;

14) осы Конституциялық заңда көзделген жағдайларда бастамашыл топ мүшелерінің қызметін; бастамашыл топтың қызметін тоқтату туралы және оны тіркеу жөніндегі куәлікті қайтарып алу туралы шешім қабылдайды;

15) осы Конституциялық заңда көзделген жағдайларда жекелеген учаскелерде (әкімшілік-аумақтық бірліктерде) референдум өткізуді жарамсыз деп таниды.

2. Орталық референдум комиссиясының мәжілістері оның мүшелері жалпы санының кемінде үштен екісі қатысқан жағдайда құқылы.

3. Орталық референдум комиссиясы өз шешімдерін оның мүшелері жалпы санының көпшілік дауысымен қабылдайды.

Ескерту. 21-бапқа өзгерту енгізілді – ҚР 1999.05.06 № 376, 2004.11.24 № 604 (01.01.2005 бастап күшіне енеді) Конституциялық заңдарымен.

22-бап. Аумақтық референдум комиссияларының өкілеттіктері

1. Аумақтық референдум комиссиялары:

1) алып тасталды - ҚР 15.06.2017 № 75-VI Конституциялық заңымен (алғашқы ресми жарияланған күнінен бастап қолданысқа енгізіледі);

2) тиісті әкімшілік-аумақтық бөліністердің аумағында референдум туралы заңның орындалуына бақылауды жүзеге асырады;

3) учаскелік комиссиялардың қызметін ұйымдастырады, референдум өткізуге арналып бөлінген қаражатты олардың арасында бөледі;

4) учаскелік референдум комиссияларын материалдық-техникалық қамтамасыз етудің жай-күйін бақылайды;

5) референдум туралы заңның бұзылуы туралы арыздар мен шағымдарды қарайды;

6) учаскелік референдум комиссияларының, жергілікті мемлекеттік органдар мен олардың лауазымды тұлғаларының референдумға дайындық пен оны өткізуге байланысты мәселелер жөніндегі есептерін, сондай-ақ қоғамдық бірлестіктер органдарының референдумға дайындық пен оны өткізуге байланысты мәселелер бойынша хабарламасын тыңдауға хақылы;

7) учаскелік референдум комиссияларынан дауыс берудің нәтижелері туралы хаттамаларды алады, тиісті әкімшілік-аумақтық бөліністің аумағындағы референдумның нәтижелерін шығарады;

8) референдумның бастамашыл тобының қол қою парақтарының осы Конституциялық заңда белгіленген талаптарға сәйкестігіне тексеру жүргізеді.

2. Аумақтық референдум комиссияларының мәжілістері олардың мүшелері жалпы санының кемінде үштен екісі қатысқан жағдайда құқылы.

3. Аумақтық референдум комиссиялары өзінің шешімдерін олардың мүшелері жалпы санының көпшілік дауысымен қабылдайды.

Ескерту. 22-бапқа өзгерістер енгізілді - ҚР 1999.05.06 № 376, 2004.11.24 № 604 (01.01.2005 бастап күшіне енеді); 15.06.2017 № 75-VI (алғашқы ресми жарияланған күнінен бастап қолданысқа енгізіледі) Конституциялық заңдарымен.

23-бап. Участкелік референдум комиссияларының өкілеттіктері

1. Участкелік референдум комиссиялары:

1) алып тасталды - ҚР 15.06.2017 № 75-VI Конституциялық заңымен (алғашқы ресми жарияланған күнінен бастап қолданысқа енгізіледі);

2) азаматтарды жалпыхалықтық референдумға қатысуға құқығы бар азаматтардың тізімімен таныстырады, тізімдегі қателіктер мен жаңсақтықтар туралы арыздарды қарайды, оларға тиісті өзгертулер енгізу туралы мәселелерді шешеді;

3) азаматтарды дауыс беретін күн, уақыт, орын және оның тәртібі туралы хабардар етеді;

4) үй-жайларды дайындайды және дауыс беруге арналған кабиналар мен урналардың жасалуын қамтамасыз етеді;

5) референдум өткізілетін күні учаскеде дауыс беруді ұйымдастырады;

6) учаскеде дауыстың саналуын жүргізеді және дауыс берудің нәтижелерін анықтайды;

7) учаскеде дауыс беруге дайындық пен оны ұйымдастыру мәселелері жөніндегі арыздар мен шағымдарды қарайды және солар бойынша шешімдер қабылдайды;

8) бюллетеньдерді жарамсыз деп тану туралы шешім қабылдайды.

2. Участкелік референдум комиссияларының мәжілістері олардың мүшелері жалпы санының кемінде үштен екісі қатысқан жағдайда құқылы.

3. Участкелік референдум комиссиялары өздерінің шешімдерін, осы Конституциялық заңға сәйкес шешім қабылдау үшін комиссия мүшелері жалпы санының үштен екісінің көпшілік даусы қажет болатыннан басқа реттерде, олардың мүшелері жалпы санының көпшілік дауысымен қабылдайды.

Ескерту. 23-бапқа өзгерістер енгізілді - ҚР 1999.05.06 № 376, 2004.11.24 № 604 (01.01.2005 бастап күшіне енеді); 15.06.2017 № 75-VI (алғашқы ресми жарияланған күнінен бастап қолданысқа енгізіледі) Конституциялық заңдарымен.

24-бап. Референдум комиссияларының қызмет жағдайларын қамтамасыз ету

1. Референдум комиссияларының өз өкілеттіктері шегінде қабылдаған шешімдері тиісті аумақтағы барлық мемлекеттік органдардың, жергілікті өзін-өзі басқару

органдарының, ұйымдардың, сондай-ақ олардың лауазымды тұлғаларының орындауы үшін міндетті.

2. Алып тасталды – ҚР 05.07.2024 № 109-VIII (алғашқы ресми жарияланған күнінен кейін күнтізбелік он күн өткен соң қолданысқа енгізіледі) Конституциялық заңымен.

3. Мемлекеттік органдар, жергілікті өзін-өзі басқару органдары, ұйымдар, сондай-ақ олардың лауазымды тұлғалары референдум комиссияларының өз өкілеттіктерін жүзеге асыруында оларға жәрдемдесіп отыруға, жұмысы үшін қажетті мәліметтер мен материалдарды табыс етуге, өзге де көмек көрсетуге міндетті.

4. Референдумға дайындық пен оны өткізу кезеңінде референдум комиссиялары мүшелерінің еңбегіне ақы төлеу бөлігінде олардың қызмет жағдайларын қамтамасыз ету "Қазақстан Республикасындағы сайлау туралы" Қазақстан Республикасының Конституциялық заңына сәйкес айқындалады.

Ескерту. 24-бапқа өзгеріс енгізілді – ҚР 05.07.2024 № 109-VIII (алғашқы ресми жарияланған күнінен кейін күнтізбелік он күн өткен соң қолданысқа енгізіледі) Конституциялық заңымен.

III тарау

Жалпыхалықтық референдумды өткізу тәртібі

25-бап. Жалпыхалықтық референдумға қатысу құқығы бар азаматтардың тізімі

Референдумға қатысу құқығы бар азаматтардың тізімін жасау, оған азаматтарды енгізу, олардың тізімге енбей қалу, тізімге дұрыс енгізілмеу немесе тізімнен шығарылып тастау жәйттеріне, онда жіберілген жаңсақтықтарға шағымдану, сондай-ақ өздерінің жүрген орнын ауыстырған жағдайда азаматтардың референдумға қатысу құқығын қамтамасыз ету "Қазақстан Республикасындағы сайлау туралы" Қазақстан Республикасының Конституциялық заңында белгіленген ережелерге сәйкес жүзеге асырылады.

Ескерту. 25-бапқа өзгерту енгізілді – ҚР 1999.05.06 № 376 Конституциялық заңымен.

26-бап. Жалпыхалықтық референдум өткізу кезінде дауыс беру уақыты мен оның орны туралы хабарлау

1. Дауыс беру уақыты мен орны туралы учаскелік референдум комиссиясы азаматтарға дауыс беретін күннен кемінде он күн бұрын хабарлайды.

2. Дауыс беретін үй-жайда көрнекті жерде референдумға қойылған мәселенің, Конституция, конституциялық заң, заң жобаларының, оларға енгізілетін өзгертулер мен толықтырулардың мәтіні ілінуге тиіс.

27-бап. Жалпыхалықтық референдум өткізу кезінде дауыс беруге арналған бюллетень

1. Дауыс беруге арналған бюллетеньде қойылған әрбір мәселенің тұжырымдамасы және дауыс берушінің жауаптарының нұсқалары келтіріледі.

2. Егер референдумға бірден бірнеше мәселе қойылған болса, олардың әрқайсысы үшін пайдаланылатын дауыс беруге арналған бюллетеньдер түсі жағынан ажыратылуға тиіс.

3. Дауыс беруге арналған бюллетеньдер қазақ және орыс тілдерінде басып шығарылады.

4. Дауыс беруге арналған бюллетеньдерді жасау тәртібін Орталық референдум комиссиясы белгілейді.

5. Дауыс беруге арналған бюллетеньдер учаскелік референдум комиссияларына дауыс беруге дейін ерте дегенде үш күн бұрын және кемінде бір күн бұрын учаскедегі сайлаушылардың жалпы санының бір пайызы резервімен жеткізіледі.

Ескерту. 27-бапқа өзгеріс енгізілді - ҚР 05.07.2024 № 109-VIII (алғашқы ресми жарияланған күнінен кейін күнтізбелік он күн өткен соң қолданысқа енгізіледі) Конституциялық заңымен.

28-бап. Жалпыхалықтық референдумның қорытындыларын шығару кезіндегі жарамсыз бюллетеньдер

1. Референдумның қорытындыларын шығару кезінде:

1) белгіленбеген үлгідегі;

2) учаскелік референдум комиссиясы мүшесінің қолы қойылмаған;

3) референдумға қойылған мәселеге қайтарылған жауаптар нұсқаларының бірде-біреуі белгіленбеген;

4) белгі қарындашпен қойылған, түзету немесе өзге де бұрмалау іздері бар, оларда сондай-ақ сайлаушылардың ерік білдіруін анықтау мүмкін болмаған бюллетеньдер жарамсыз бюллетеньдер деп танылады.

2. Референдумға қойылған мәселеге жауаптардың барлық нұсқалары белгіленген бюллетеньдер жарамды деп танылады, бірақ дауысты санау кезінде есепке алынбайды.

3. Референдумның нәтижелерін шығару кезінде бюллетеньдердің жарамсыз деп танылуына байланысты келіспеушіліктер туындаған жағдайда мәселені дауыс беру жолымен учаскелік референдум комиссиясы шешеді. Бұл ретте шешім комиссия мүшелері жалпы санының кемінде үштен екісінің дауысымен қабылданады.

Ескерту. 28-бапқа өзгерту енгізілді – ҚР 2004.11.24 № 604 (01.01.2005 бастап күшіне енеді); 05.05.2022 № 119-VII (алғашқы ресми жарияланған күнінен бастап қолданысқа енгізіледі); 05.11.2022 № 156-VII (01.01.2023 бастап қолданысқа енгізіледі) Конституциялық заңдарымен.

29-бап. Жалпыхалықтық референдум өткізу кезінде дауыс беру

Референдумда дауыс беру мерзімі, орны, ұйымдастыру мен өткізу тәртібі "Қазақстан Республикасындағы сайлау туралы" Қазақстан Республикасының Конституциялық заңында белгіленген ережелерге сәйкес айқындалады.

Азамат дауыс берген кезде өзі дауыс беретін жауап нұсқасының оң жағындағы бос шаршыға кез келген белгіні қояды.

Ескерту. 29-бапқа өзгерту енгізілді – ҚР 1999.05.06 № 376; 05.05.2022 № 119-VII (алғашқы ресми жарияланған күнінен бастап қолданысқа енгізіледі) Конституциялық заңдарымен.

30-бап. Дауысты санау және жалпыхалықтық референдум нәтижелерін анықтау

1. Учаскелік референдум комиссиясы дауысты санау кезінде:

- 1) учаскедегі жалпыхалықтық референдумға қатысу құқығы бар азаматтардың жалпы санын;
- 2) бюллетень алған азаматтардың санын;
- 3) дауыс беруге қатысқан азаматтардың жалпы санын;
- 4) әрбір мәселенің оң шешімін жақтап берілген дауыс санын және әрбір мәселенің теріс шешімін жақтап берілген дауыс санын;
- 5) жарамсыз деп танылған бюллетеньдер санын;
- 6) жарамды деп танылған, бірақ дауысты санаған кезде есепке алынбайтын бюллетеньдер санын белгілейді.

2. Учаскеде дауыс санауға және әкімшілік-аумақтық бөліністе дауыс беру нәтижелерін анықтауға байланысты өзге мәселелер осы Конституциялық заңға қайшы келмейтін бөлігінде "Қазақстан Республикасындағы сайлау туралы" Қазақстан Республикасының Конституциялық заңымен белгіленген ережелерге сәйкес шешіледі.

Ескерту. 30-бапқа өзгерту енгізілді – ҚР 1999.05.06 № 376 Конституциялық заңымен.

31-бап. Жалпыхалықтық референдумның қорытындыларын шығару

1. Орталық референдум комиссиясы дауыс берудің нәтижелері туралы табыс етілген хаттамалардың негізінде:

- 1) Қазақстан Республикасының референдумға қатысу құқығы бар азаматтарының жалпы санын;
- 2) дауыс беруге қатысқан азаматтардың санын;
- 3) референдумға қойылған мәселенің оң шешімін жақтап дауыс берген, референдумға қойылған мәселенің теріс шешімін жақтап дауыс берген азаматтардың санын және дауыс беруге қойылған жекелеген әрбір мәселе бойынша жарамсыз деп танылған бюллетеньдердің санын анықтайды.

2. Егер референдумға қатысу құқығы бар азаматтардың жартысынан көбі дауыс беруге қатысқан болса, референдум өткізілген деп саналады.

3. Егер дауыс берудің нәтижесінде референдумға қойылған мәселе бойынша оның оң шешімін жақтап дауыс беруге қатысқан азаматтардың жартысынан көбі дауыс берсе, ол жөнінде шешім қабылданды деп саналады.

Жалпыхалықтық референдумға шығарылған Конституция жобасы, Конституцияға өзгерістер мен толықтырулар, егер олар үшін облыстардың, республикалық маңызы бар қалалардың және астананың кемінде үштен екісінде дауыс беруге қатысқан азаматтардың жартысынан астамы жақтап дауыс берсе, қабылданды деп есептеледі.

4. Дауыс берудің қорытындылары Орталық референдум комиссиясының мәжілісінде шығарылып, хаттамамен ресімделеді, оған Орталық референдум комиссиясының Төрағасы, Төрағаның орынбасары, хатшысы мен мүшелері қолдарын қояды және қаулымен бекітеді.

5. Егер референдум барысында немесе дауыстарды санау не дауыс беру нәтижелерін анықтау кезінде осы Конституциялық заңды немесе "Қазақстан Республикасындағы сайлау туралы" Қазақстан Республикасының Конституциялық заңын бұзу орын алған болса, Орталық референдум комиссиясы референдум нәтижелерін шығару кезінде оның жекелеген учаскелерде (әкімшілік-аумақтық бірліктерде) өткізілуін жарамсыз деп тани алады.

Ескерту. 31-бапқа өзгерту енгізілді – ҚР 1999.05.06 № 376, 2008.05.04 № 30-IV; 11.06.2026 № 305-VIII (01.07.2026 бастап қолданысқа енгізіледі) Конституциялық заңдарымен.

31-1-бап. Референдум комиссияларының шешімдері мен әрекеттеріне (әрекетсіздігіне) шағым жасау

Референдум комиссияларының шешімдері мен әрекеттеріне (әрекетсіздігіне) осы Конституциялық заңға қайшы келмейтін бөлігінде "Қазақстан Республикасындағы сайлау туралы" Қазақстан Республикасының Конституциялық заңына сәйкес шағым жасалуы мүмкін.

Ескерту. 31-1-баппен толықтырылды – ҚР 05.07.2024 № 109-VIII (алғашқы ресми жарияланған күнінен кейін күнтізбелік он күн өткен соң қолданысқа енгізіледі) Конституциялық заңымен.

32-бап. Жалпыхалықтық референдум өткізудің дұрыстығы туралы мәселені Қазақстан Республикасының Конституциялық Сотының қарауы

Ескерту. 32-баптың тақырыбына өзгеріс енгізілді – ҚР 05.11.2022 № 156-VII (01.01.2023 бастап қолданысқа енгізіледі) Конституциялық заңымен.

1. Қазақстан Республикасы Президентінің, Құрылтай Төрағасының, Құрылтай депутаттарының жалпы санының кемінде бестен бір бөлігінің, Премьер-Министрдің өтініші бойынша Конституциялық Сот даулы жағдайда жалпыхалықтық референдум өткізудің дұрыстығы туралы мәселені шешеді. Мұндай ретте жалпыхалықтық референдум нәтижелерін шығару өтініштің қаралу кезеңіне кідіріледі.

2. Орталық референдум комиссиясы жалпыхалықтық референдум өткізудің дұрыстығы туралы дау туындаған жағдайда референдумға дайындық пен оны өткізуге байланысты материалдарды Конституциялық Сотқа береді.

3. Конституциялық Сот Конституция бұзылған жағдайда референдумды Қазақстан Республикасының Конституциясына сәйкес емес деп тануға хақылы. Мұндай жағдайда Орталық референдум комиссиясы референдум Конституцияға сәйкес емес деп

танылған учаскелердегі (әкімшілік-аумақтық бөліністердегі) референдум нәтижелерін жарамсыз деп тану, сол учаскелерде (әкімшілік-аумақтық бөліністерде) бір айдың ішінде қайта дауыс беруді өткізу туралы шешім қабылдайды.

4. Конституцияға сәйкес емес деп танылған жалпыхалықтық референдумның нәтижелері Орталық референдум комиссиясының шешімімен тиісті дауыс беру учаскелерінде (әкімшілік-аумақтық бөліністерде) жарамсыз деп танылады. Өткізілген референдумды Конституцияға сәйкес деп тану референдумның қорытындыларын шығаруды жүргізе беруге әкеп соғады.

Ескерту. 32-бапқа өзгеріс енгізілді – ҚР 05.11.2022 № 156-VII (01.01.2023 бастап қолданысқа енгізіледі); 11.06.2026 № 305-VIII (01.07.2026 бастап қолданысқа енгізіледі) Конституциялық заңдарымен.

33-бап. Жалпыхалықтық референдумның қорытындыларын жариялау

Референдумның қорытындылары туралы Орталық референдум комиссиясының ресми хабары дауыс беру өткізілген күннен бастап жеті күн мерзімнен кешіктірілмей бұқаралық ақпарат құралдарында жарияланады.

IV тарау

Қорытынды ережелер

34-бап. Жалпыхалықтық референдум қабылдаған шешімдердің күшіне енуі

Референдумда қабылданған Конституция, конституциялық заңдар, заңдар, олардағы өзгертулер мен толықтырулар, референдумға қойылған өзге де шешімдер, егер Конституцияның өзінде, конституциялық заңда, заңда, олардағы өзгертулер мен толықтыруларда, референдумда қабылданған өзге де шешімде басқа мерзім белгіленбесе, референдумның қорытындылары туралы ресми хабар жарияланған күннен бастап күшіне енеді.

35-бап. Жалпыхалықтық референдум қабылдаған шешімдердің заң күші және міндеттілігі

1. Референдум қабылдаған шешімнің Қазақстан Республикасының бүкіл аумағында міндетті күші бар және Қазақстан Республикасы Президентінің немесе мемлекеттік өкімет органдарының актілерімен қандай да бір қуаттауды қажет етпейді.

2. Референдум қабылдаған шешім мен Қазақстан Республикасы Конституциясының, конституциялық заңдарының, заңдарының және өзге де нормативтік құқықтық актілерінің арасындағы сәйкессіздіктер Конституцияны, конституциялық заңдарды, заңдар мен өзге де нормативтік құқықтық актілерді референдум қабылдаған шешімге сәйкес келтіру арқылы жойылады.

36-бап. Жалпыхалықтық референдум туралы заңды бұзғаны үшін жауапкершілік

1. Қазақстан Республикасы азаматының референдумға қатысу жөніндегі құқығын еркін жүзеге асыруына, оған қойылған мәселе (мәселелер) бойынша үгіт жүргізуіне қандайда болсын нысанда кедергі келтіру, сайлау құжаттарын қолдан жасау,

дауыстарды қасақана дұрыс санамау, дауыс беру құпиясын бұзу немесе жалпыхалықтық референдум туралы заңды өзге де бұзу заңда белгіленген тәртіппен жауаптылыққа әкеліп соғады.

2. Мемлекеттік органдар мен лауазымды адамдардың референдум ұйымдастыру және өткізу мәселелері жөніндегі іс-әрекетіне сотқа шағым жасалу мүмкін.

37-бап. Осы Конституциялық заңды күшіне енгізу тәртібі

Осы Конституциялық заң жарияланған күнінен бастап күшіне енеді.

Ескерту. 37-бапқа өзгерту енгізілді – ҚР 1999.05.06 № 376 Конституциялық заңымен.

*Қазақстан Республикасының
Президенті*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК